

## Պետրովկա

Մակերես՝ 4.641կմ<sup>2</sup>

Բնակչություն՝ 244

Տնային տնտեսությունների թիվը՝ 58:

Ենթադրվում է, որ Պետրովկան հիմնադրվել է 18-րդ դարի վերջերին, 19-րդ դարի սկզբներին՝ ցարական Ռուսաստանի կայսրուհի Եկատերինայի կողմից արտաքսված այլահավատ ռուսների կողմից: Ռուսներին փոխարինել են ադրբեջանցիները, իսկ 1988-89թթ. գյուղը վերաբնակեցվել է ադրբեջանցիների կողմից բռնագաղթված հայերով:

Պետրովկա գյուղը գտնվում է Հայաստանի հյուսիսում, Տաշիրի տարածքում: Հեռավորությունը մարզկենտրոնից 60կմ է, Տաշիր քաղաքից՝ 8կմ: Վրաստանի սահմանից հեռավորությունը 3կմ է: Գտնվում է Հայաստան-Վրաստան միջպետական մայրուղուց 1կմ հեռավորության վրա:

Բարձրությունը ծովի մակարդակից 1570 մետր: Կլիման բարեխառն է, ձմեռը երկարատև ու ցրտաշունչ, ամառը զով: Հաճախ են երկարատև անձրևները եւ կարկտահարությունը:

Գյուղատնտեսական նշանակության հողերը՝ 391,7 հա, որից՝ 234 հա վարելահող, 81,1 հա խոտհարք, 57,1 հա արոտ:

Բնակչությունը հիմնականում զբաղվում է ցորենի, գարու, հաճարի, կարտոֆիլի, կաղամբի եւ այլ բանջարա-բոստանային կուլտուրաների մշակությամբ:

Գյուղի մոտ կա կապարի հանք, որի հանույթը կազմակերպելու դեպքում կստեղծվեն նոր աշխատատեղեր:

Ունի հիմնական դպրոց, բուժկետ:

Համայնքի հիմնախնդիրների մեջ կարևորվում են գազաֆիկացումը, խմելու ջրագծերի ներքին ցանցի վերանորոգումը, գյուղատնտեսական մթերքների իրացումը, գյուղամիջյան ճանապարհների և ակումբի վերանորոգումը: